

S. J. P. 1819

# EDICTUM, SEU INDULTUM

SUPER REDITU

RELIGIOSORUM APOSTATARUM,  
ET FUGITIVORUM

ad eorum cujuslibet Religionem, ac Pœnarum,  
& Pœnitentiarum condonatione, necnon  
Transitu ad alium Ordinem.



GRANATÆ, ANNOM. DCCLIX.

Ex Typographia Hæredum D. Josephi de la  
Puerta, Calcographi Secretariæ Cameræ Illmi.  
D. Dignitate Archiepiscopatu  
Granatenfis.



# RECIPIENTUM SEU INDICATUM

INSTITUTIONI HOSPITALIARI  
SOCIETATIS REGIAE

PHARMACEUTICAE  
SOCIETATIS REGIAE  
PHARMACEUTICAE



PHARMACEUTICAE SOCIETATIS REGIAE

PHARMACEUTICAE SOCIETATIS REGIAE  
PHARMACEUTICAE SOCIETATIS REGIAE  
PHARMACEUTICAE SOCIETATIS REGIAE



# ANTONIUS ANDREAS

MISERATIONE DIVINA TITULI

S. PETRI AD VINCULA S. R. E.

PRESBYTER CARDINALIS GALLI SSmi. D. N. PAPÆ,

ET SEDIS APOSTOLICÆ MAJOR POENITENTIARIUS.



UM Sanctissimus Dominus Noster CLEMENS PAPA XIII. curas suas ad omnes ubique Fideles intendens, pro salutari in iisdem excitanda poenitentia, indicto, hęc primo sui Pontificatus anno, universali Jubilæo, Divinæ Misericordiæ thesaurus aperuerit: specialem simul sollicitudinem, exemplo suorum Prædecessorum, pro Regularibus Apostatis, & Fugitivis ad salutis viam in spiritu pietatis reducendis exercendam duxit; Nobisque hanc suam voluntatem ad publicam omnium notitiam per præsens Edictum, seu Indultum adducere, suę vivæ vocis oraculo commisit, atque mandavit: attributa insuper Nobis hac super re necessaria omni, & opportuna facultate.

Nos igitur, qui Poenitentiarie ejusdem Sanctissimi Domini, & Sedis Apostolicæ curam gerimus, ejusmodi tam imperio, quam charitate Sanctitatis suę urgente, ac sponte etiam nostra, Regulares professionis suę desertores, ad suos cujusque Ordines, extra quos luporum rapacium insidijs, atque periculis expositi misere vagantur, revocare cupientes, ejusdemque suę Sanctitatis memorata speciali Apostolica auctoritate muniti: Statuimus, atque decernimus, ut Regulares Apostatæ, & Fugitivi, quorumcumque Ordinum, vel Congregationum, Monasteriorum, Conventuum, Collegiorum, Domorum, vel Locorum Regularium ubique existentium, tam Mendicantium, quam non Mendicantium, etiam necessario exprimen

2  
mendorum , qui , citra montes intra sex menses , ultra  
montes intra annum , exera Europam intra tres annos , à  
die publicationis præsentium Literarum inchoandos , sua  
sponte ad suam quisque Religionem redierint , pœnarum  
omnium ipsis propter Apostasiam , seu Fugam huiusmodi  
infiictarum , vel infligendarum remissionem , atque impuni-  
tatem assequantur : ita tamen , vt debeant à suo quisque  
respectivè Superiore humiliter petere absolutionem , &  
coram eo culpam fateri , atque emendationem polliceri : &  
vice versa , Superior benignè illos teneatur ab huiusmodi  
pœnis absolvere , & paterna charitate complecti : cui proin-  
dè , ad effectum præmissum duntaxat , quatenus opus sit ,  
omnem facultatem necessariam Sanctitas Sua impertitur.  
Sic autem absoluti juxta eorum pœnitentiæ fructus , & me-  
rita , etiam ad honores , gradus , locum , & voces res-  
tituantur : quin vlli liceat eisdem objurgare anteaactæ vi-  
tæ memoriam.

Quia verò audivimus nonnullos ex his adeo in pro-  
fundum malorum misere cecidisse , vt non modo à prop-  
ria Religione , seu Ordine , sed etiam à Fide Catholica  
apostaraverint , vel se vtrumque hæreticæ communionis con-  
tione macularint : vt horum etiam saluti provideatur ,  
volumus , vt , si intra prædictum tempus resipuerint , & ad Fi-  
dem Catholicam , seu ad illius communionem reverti de-  
sideraverint , præsentent isti sese alicui , sive Nuntio Apo-  
stolico , sive Episcopo , sive Inquisitori , sive , si ad illos  
facilis non sit accessus , Vicario Apostolico , aut Præfecto  
Missionum , illius regionis , in qua degunt , quem ipsi  
elegerint , veniamque coram eo humiliter petant , & om-  
nes errores ab Ecclesia Catholica damnatos detestentur , ab-  
jurentque in forma solita ; & tunc ab eodem , vt supra ,  
per ipsos electo à quibusvis sententijs , censuris , & pœ-  
nis Ecclesiasticis , salvo tamen jure Partium , & Fisci , qui-  
bus quomodolibet innodati extiterint , Apostolica auctori-  
tate , quam Sanctitas Sua prædictis , & singulis ex specia-  
li gratia ad hunc effectum impertitur , possint , & va-  
leant , salutarè imposita pœnitentia , absolvi in com-  
mu-

3

munione[m] Catholicam recipi , & iisdem obtentæ absolu-  
tionis , ac remissionis literæ testimoniales concedi , qui-  
bus muniti ad propriam Religionem , seu Ordinem re-  
vertantur.

Inter Ecclesiasticas pœnas comprehendimus irregula-  
ritatem quoque ob delictum contractam. Ab hac itaque,  
si eam Apostatæ , & Fugitivi ex violatione dumtaxat Cen-  
surarum contraxerint , absolvi poterunt , salutari imposi-  
ta pœnitentia , à proprio Superiore , postquam ad Clau-  
stra redierint. Si verò in illam inciderint , non solum ex  
violatione Censurarum , sed etiam propter lapsum à Fide,  
& à communione Catholica , ab eodem illo dispensari  
possint , & valeant coram quò , ut supra , se presentave-  
rint , & à quo ad Catholicam communionem recepti fue-  
rint : suspenso tamen exercitio Ordinum , dum extra  
Claustra permanferint , & Religionem ingressi non fuerint.  
Irregulares autem ex alijs delictis , præter expressa , iisdem  
irregularitatibus maneat obnoxij , nisi postea ab Aposto-  
lica Sede ob correctos , & emendatos maxime mores , se-  
cundum Ordinariorum , & proprii cuiusque Ordinis Su-  
priorum attestaciones fuerint dispensati.

Non raro contigit , ut Apostatæ , seu Fugitivi , non  
solum defectionis ab Ordine , vel etiam à fide sint rei,  
sed ante defectionem , vel post illam , alia patrarint cri-  
mina , ob quæ à Religione , si ad eam revertantur , gra-  
vibus pœnis puniri debeant , quarum timore à reditu re-  
trahuntur. His profecto plenam ab hisce penis immunita-  
tem polliceri non possumus , ne immoderata pietate deli-  
cta foveantur. Noverint nihilominus , nos perpetuum  
Officii nostri commiserandi propositum custodientes , pa-  
ratos esse hanc vobis curam sumere , ut quoad hæc quo-  
que crimina , si ea vobis sincere patefecerint , pœnas ip-  
sis debitas unâ eum Superioribus Regularibus expendamus,  
efficiamusque , ut eadem discretâ moderatione componan-  
tur , & temperentur. Qua in re de Regularium Superio-  
rum pietate juremeritis confidimus , ipsos vobis adjutrices  
manus præsturos : præsertim cum ad affectum presentis

4  
Indulti ; qualem Sanctissimus Dominus pro suo zelo , & elementia exoptat , assequendum , specialem in hac parte facultatem nobis Sanctitas Sua communicare dignata sit.

Quod si qui ex prædictis Apostatis , seu Fugitivis , sive à proprio tantum Ordine , sive etiam à Fide , ad aliam potius Religionem transire , quam ad propriam redire cupiant : sistant se isti coram Ordinario loci , sive alio ex prædictis Superioribus , à quo , præmissa absolutione , ut supra , competens terminus quatuor mensium à die absolutionis inchoandos , ad inveniendos benevolos Receptores , concedatur , quo termino durante , ne vagi discurrant , sub obedientia , directione , & respective jurisdictione illius , & ab exercitio Ordinum , quos receperint , suspensi permaneant : ab eodemque postquam benevolum Receptorem invenerint ; permittatur prædictus transitus ad aliam Religionem , etiam laxiorem , dummodo in ea Claustralis , & Regularis observantia , etiam quoad Translatos , vigere dignoscatur. Non permittatur tamen transitus ad Ordines Hospitalares , & Militares ; quamvis in istis Claustralis , & Regularis observantia vigeret , nisi fortè ad Ordinem S. Joannis de Deo. Neque item transitus concedatur ad Ordinem S. Benedicti antiquioris observantia , aut ad alias consimiles Congregationes , cujuscumque Ordinis fuerint. Elapso verò dicto quatuor mensium termino , nec benevolò Receptore invento , statim ad propriam Religionem redire teneantur , aliàs habeantur pro Apostatis recidivis , & subjectis eisdem pœnis contra Apostatas per Sacros Canones , & Constitutiones Apostolicas inflictis. Hortamur autem in Domino Ordinum Superiores habentes facultatem recipiendi ad Habitum , & Professionem , ut eos recipiant , & post peractum probationis annum ad Professionem admittant : ad quem effectum Sanctissimi D. N. Papæ auctoritate ipsis necessarias omnes facultates impertimur.

Non obstantibus Constitutionibus , & Ordinationibus Apostolicis , necnon quarumcumque Religionum , seu Ordinum Mendicantium , vel non Mendicantium , Congre-

gregationis , Societatis , & Instituti Statutis , Decretis , Indultis quoque specialibus , ac privilegiis quancumque , & qualibuscumque , etiam nominatim , ac de verbo ad verbum referendis , etiam concessis eum exclusione auctoritatis Pœnitentiariæ Apostolicæ , cæterisque contrariis quibuscumque.

Ut autem presentes Literę omnibus facilius innotescant , hortamur in Domino Venerabiles in Christo Patres , Sedis Apostolicæ Nuncios , Patriarchas , Archiepiscopos , Episcopos , aliosque Ecclesiarum Antistites , & Locorum Ordinarios , ut illas quantocius publicari , & executioni demandari faciant. Datum Romæ in Sacra Pœnitentiaria Anno à Nativitate Domini Nostri Jesu Christi Millesimo septingentesimo quinquagesimo nono , die verò vigesima octava Februarii , Pontificatus Sanctissimi in Christo Patris , & Domini Nostri Domini CLEMENTIS Divina Providentia Papæ XIII. Anno ejus primo. A. A. Card. Galli Major Pœnitentiarius. Franciscus Petracciolus Sac. Pœnitentiarius.

*Concuérda con el original , que con Carta de nueve deste mes de la fecha nos ha remitido de Orden de su Santidad, el Illmo. y Rmo. Señor Arzobispo de Laodicea, Nuncio Apostolico en estos Reynos, y Señorios de España, para los efectos que en la preinserta Constitucion Apostolica se contiene. Granada , veinte y siete de Abril de mil setecientos cincuenta y nueve.*

El Marqués Guerra.  
Dean.

Lic. D. Rodrigo de Rojas  
y Davila.

Lic. D. Diego Merino  
y Zevallos.

Por Acuerdo del Illmo. Sr. Dean, y Cabildo!

Doct. D. Antonio Valdivia  
y Vazquez.  
Canonigo Seco.

